

'Maghi candat sotong' di Terengganu

Sinar Harian 14/7/2020 m/s 24

Program diadakan dalam normal baharu serta patuhi SOP

Oleh FARAH SHAZWANI

MARANG

Keseronokan mencandat terutamanya apabila umpun dimakan sotong antara sebab seorang pengamal media sosial, Halimatu Sa'adiah Ab Wahab, 31, tidak melepaskan peluang melakukan aktiviti itu saban tahun sejak 2012.

Kehebatan 'ratu candat sotong' ini terbukti apabila berjaya 'mengaut' 3.9 kilogram sotong sekali gus mendapat tempat kedua kategori tangkapan sotong terbanyak individu (media) sempena Program Maghi Candat



Ariffin bersama penganjur dan peserta Program 'Maghi Candat Sotong' Terengganu 2020.

Sotong Terengganu 2020 di perairan Pulau Kapas di sini.

Menurut Halimatu Sa'adiah, beliau mula menyertai aktiviti candat ketika menuntut di Universiti Sultan Zainal Abidin (UniSZA) pada 2012 setelah diajak pensyarah dan rakannya.

Majlis penyampaian hadiah Program Maghi Candat

Sotong Terengganu 2020 itu disempurnakan oleh Exco Pelancongan, Kebudayaan dan Teknologi Maklumat negeri, Ariffin Deraman di Jeti Pelancongan Marang di sini.

Turut hadir, Pengarah Jabatan Pelancongan Negeri Terengganu, Ab Rasid Jusoh dan Pegawai Daerah Marang, Tun Ahmad Faisal Tun Abdul

Razak.

Pada majlis itu, Pejabat Daerah dan Tanah Marang diumumkan sebagai juara bagi kategori sotong terbanyak berkumpul manakala bagi kategori individu pula dimenangi oleh Zamri Muda (Pejabat Daerah dan Tanah Marang) sementara kategori media dimenangi oleh M

Zulhamizan Sobri (Manis FM).

Seramai 160 peserta termasuk penggiat industri pelancongan dan pengamal media menyertai program pertama pelancongan bagi Terengganu selepas pengu-muman Perintah Kawalan Pergerakan Pemulihan (PKPP) bermula 10 Jun lalu.

Sementara itu, Ariffin ketika ditemui berkata, program itu juga menyaksikan pengamalan kepada normal baharu penganjuran acara dengan pelaksanaan serta pematuhan kepada prosedur operasi standard (SOP) ditetapkan oleh Majlis Keselamatan Negara (MKN) dan Kementerian Kesihatan Malaysia (KKM).

"Semua pelancong-pelancong perlu sentiasa mematuhi peraturan dan SOP yang ditetapkan kerana wabak Covid-19 masih belum berakhir," katanya.